



Bau-, Verkehrs- und Forstdepartement Graubünden
Departament da construcziun, traffic e selvicultura dal Grischun
Dipartimento costruzioni, trasporti e foreste dei Grigioni

7000 Chur, Stadtgartenweg 11
Tel. 081 257 21 21 / Fax 081 257 21 60
Internet: www.bvfd.gr.ch
E-Mail: info@bvfd.gr.ch

Manaschi da pestga per il Lago di Lei

Probablmain l'enviern 2012/2013 vegn il Lago di Lei svidà cumpletmain pervia da lavurs che stattan en connex cun la renovaziun totala dals implants da las ovras electricas dal Rain posterior SA.

En cas, nua ch'igl è planisà da derschentar e da svidar implants da serra, po il departament da construcziun, traffic e selvicultura concluder – tenor las prescripziuns da pestga vertentas (PP 2012, cifra A III) – excepziuns areguard las mesiras ed areguard il dumber dals peschs ch'ins dastga pigliar en las auas pertutgadas.

Per pudair explotar ed er decimar l'effectiv da peschs en moda uschè effizienta sco pussaivel valan perquai las suandantas disposiziuns adattadas per pestgar en il Lago di Lei (nr. tenor la statistica da pestga "2019"), e quai a partir dal 1. da matg 2012, fin ch'ellas vegnan revocadas:

Stagiun da pestga: 1. da matg fin e cun ils 31 d'october

Scumond general da pestgar: Di da la rogaziun federala, di da la festa grischuna d'engraziament per la raccolta

Mesiras minimalas dals peschs ch'ins dastga pigliar: Naginas mesiras minimalas per tut las spezias da peschs; tut ils peschs pigliads da tuttas classas da grondezza e da tuttas spezias ston vegnir prendids or da l'aua.

Dumber da peschs ch'ins dastga pigliar per di: Naginas limitas per di per tut las spezias da peschs

Statistica da pestga: Fin e cun ils 15 d'october ston vegnir registrads ils peschs pigliads en la statistica da pestga regulara. Suentar ils 15 d'october na sto pli vegnir manada nagina statistica da pestga.

Patenta: Tgi che posseda ina patenta valaivla d'ina stagiun, d'in mais, u d'ina emna ha il dretg da pestgar en il Lago di Lei a partir dals 16 d'october. I na vegnan emessas naginas patentas d'in di. I valan las taxas da patenta usitadas.

Tut las ulteriuras disposiziuns da las prescripziuns da pestga vertentas restan en vigur e valan er per la pestga en il Lago di Lei suenter ils 15 d'october.

Cuira, ils 19 da schaner 2012

Departament da construcziun, traffic e selvicultura dal
Grischun

Dr. Mario Cavigelli